

Emision Promer Moneda Conmemorativo 5 año Status Aparte

ORANJESTAD (AAN)
Dialuna ultimo e prome entrega oficial di e moneda conmemorativo 5 año Status Aparte di Aruba. E acontecimiento aki a ser organizado door di Ministro Plenipotenciario di Aruba staciona na Den Haag, Hulanda, Ing. R.H. Lacle na "Rijks Munt" Utrecht den presencia di entre otro Sra. Glenda Croes.

E moneda ta un logro di e diseño di e artista Arubano Evelino Fingal. E parti posterior ta ilustra e texto Aruba, Status Aparte 1986-1991, y e reverso di e moneda tin e perfil existente di Reina Beatrix. E valor nominal ta Afls. 25,-, e diametro ta 36 mm. E moneda ta traha e plata, grado 925/1000.

Pa coleccionistanan e moneda aki lo ser haci den e calidad especial di "proof", ademas lo emiti pa e grupo aki un ejemplar den oro cu e valor nominal di 50 florin, diametro 22,5 mm.

E monedanan ta obtenible desde 1 di Januari 1991 na Aruba.

Entre e invitadonan tabata

presente tambe Ministro Plenipotenciario di Antillas Neerlandes, Sr. H. Davelaar y Sr. J. Huizinga di KABNAA.

Den su discurso Ministro Plenipotenciario di Aruba a memora e lucha largo di Aruba pa obtene su Status Aparte y e rol dirigente di difunto Betico Croes. Pa tal motibo a escoge e fecha 26 di November pa e moneda conmemorativo aki, fecha ariba cual Betico Croes 4 año pasa a fayece.

Despues cu Ministro Lacle a efectua e acto ceremonial di e moneda conmemorativo, Sra. Glenda Croes a haci e segundo presentacion di ejemplar di e moneda menciona.

Ministro Plenipotenciario Lacle a ricibi e moneda conmemorativo for di man di Drs. Chr. van Draanen, 's Rijks Muntmeester, den presencia di un "proof-munster".

Sra. J.E. Croes y señora Glenda Croes orguyosamente ta demostra e moneda conmemorativo 5 año Status Aparte den presencia di Sr. Drs. van Draanen y Ministro Plenipotenciario.